

龍文鞭影二集下

訓蒙四字經二集讀本

下卷

文帝好學。理宗思賢。竊書逸少。悟字九淵。
張巡賺箭。狄青釘錢。五經掃地。一疏迴天。
詈賊惜惜。謝客憐憐。擊蛇劉裕。藏龜苻堅。
劊子貢父。屠伯延年。枯骨袁術。強項董宣。

水澆醉吏。火煨顛仙。蘇蕙織錦。蔡琰辨絃。
畏風滿奮。鬪雷孤延。程主講席。孫侍經筵。
士瞻白袴。阮孚一錢。錢起神句。馬繹仙聯。
林宗和靖。閔祖子騫。索詩蘇軾。誦易薛瑄。
元昊緘鴿。守約捕蟬。煮龜元遜。烹狐茂先。
捫贅佛印。摩頂守堅。受蒜閔貢。棄蔬鮑焦。

杵臼似鼠。義府稱貓。行雨忠政。喚雷遷韶。

丁謂符讖。陶安應謠。嗣宗毀廟。君謨修橋。

叔隗季隗。大喬小喬。三狗魏室。五彪明朝。

出妻大遜。逐婦班超。陸續載石。廖凝挈瓢。

窩名安樂。館號逍遙。宣詠孤雁。駢貫雙雕。

宏霸指染。敬容背焦。道士畫鶴。丈人承蜩。

投書丁謂。碎牒王韶。孝卿退水。錢鏐射潮。
徽宗封馬。武后怯貓。治河三策。頒國六條。
癡翁廷直。狂士仲交。蒼體若瓠。沉口如匏。
篆吞一卷。易飲三爻。崔家共宅。劉氏一庖。
畢稱頗牧。劉比呂包。一婆致誚。三公解嘲。
楚王吞蛭。李子射蛟。治鳥咄咄。黠鼠聾聾。

劉器呂範。張藐韋皋。狂詞王直。壯歌袁綯。
褚淵勵節。宋宏秉操。劉沔雙燭。王濬三刀。
之才覓蠲。子瞻嗜蠔。趙祖研筮。楚子投醪。
長康翳柳。祿山詠桃。焚券收債。書扇償逋。
神酬玉枕。鬼贈珠袍。君謨齧鏃。呂錡伏弢。
銀建珠殿。琛作銀槽。除毒異劍。警惡奇刀。

焚車阮裕。餉硯荆鼈。版鐫茗玉。印漬桂膏。
梅傳植菜。邢峙諫蒿。封綾秀實。懸絲山濤。
孟宗吐飯。姚馥啜糟。鬼怖螭螭。民拜駱駝。
子龍息鼓。遇春挺戈。辭璧崔挺。委珠子阿。
乞師荀灌。託傭小娥。邵謁遭扑。李廣被訶。
東桑跨鶴。少君乘騾。方叔下第。毅夫登科。

斷剗郭憲。碎衣陳禾。晉將茗瘞。唐相酒魔。
指盜鸚鵡。證殺鸚鵡。景公治海。順帝挑河。
邊名菩薩。包號閻羅。李藩批敕。陽城裂麻。
安期食棗。徐光乞瓜。三后梁氏。八相蕭家。
漢姬人彘。遼主帝昶。吳祐返責。繆彤自撾。
畫獅光寶。繪馬子華。方朔獻草。單父種花。

合孜稱父。懷貞號箸。張果蝙蝠。楊戩蝦蟆。
面壁王述。墮榻裴遐。字詢扶杜。帖誤枇杷。
狄青天使。王德夜叉。商論橋梓。敷辨梨楂。
仙童取露。真妃餐霞。龜蒙鬪鳴。淵材禁蛇。
李崇儉約。王濟豪奢。投棗報栗。除棘還瓜。
祐辨鮫鯉。朔識騶牙。羊琇釀酒。德裕試茶。

牢不友帝。斗心趨王。慈母公義。神父叔陽。
高辛嫁犬。單于配狼。和尚豎指。佛圖滌腸。
療足元晦。醫臂雲長。棚給弱馬。宇揀瘦羊。
武襄面涅。汾陽額光。崇聖太祖。尊師明皇。
代贖端第。榮賜達坊。光逢玉尺。季長繡囊。
工佞思止。巧詐子揚。郭亮營葬。龐涓臨喪。

太祖岸幘。高帝踞牀。高卻獻婦。杜辭選倡。
唾硯仁軌。索帖元章。擊甕君實。斬絲高洋。
侍中口臭。太尉足香。刃婢張后。殺妾齊姜。
寫經應用。題榜仲將。曉人張猛。真相王商。
充隱皇甫。詐忠張湯。豕慨矮屋。羣誇美莊。
武帝碎枕。太祖毀牀。賀詩投溷。蕭字陷牆。

彈棉宰相。縮葱侍郎。澤奇武穆。白救汾陽。
百口保滉。十族誅方。伯宗藥箭。彥章鐵槍。
明皇放蝶。武帝駕羊。王澄逃杖。陳平食糠。
庾輕父浩。高重杜房。白嫌負賀。謚恥餞梁。
荆妃孕鐵。王女產囊。讀勃明帝。改陂唐王。
散豆賺婢。擲巾渡郎。賣卜季主。行乞董京。

漢如敵國。勛若長城。賣散文子。負局先生。
牛宏愛弟。劉璡恭兄。高允矯矯。徐宣錚錚。
劉非求媚。范曄徇名。浩嘆羊祜。狂笑晏嬰。
孔顗辭米。王璠埋藥。相尉聯榜。王校同庚。
三史安道。六經九成。裴俠獨立。樊噲橫行。
邁勤扶掖。皞畧送迎。社因王罷。縣爲顏更。

范滂投版。安期推枰。讀卷王沔。改韻馮京。
示兒康節。責子淵明。射姦沈鍊。刺讐景清。
臨瀨木魅。武都山精。趙效犬吠。王好驢鳴。
十策師亮。三事國楨。周處改行。孫忖更名。
昭帝蛟鮓。章廟龍羹。國忠香閣。武肅錦城。
子壽秀整。文靖端凝。韓心王室。張志朝廷。

長房騎杖。冷謙隱瓶。道宗被毆。黥布就刑。
張名三篋。朱號五經。尊君堯舜。擬帝桓靈。
福請抑霍。詠乞斬丁。景山甘雨。子駿福星。
韓億索杖。陳咸觸屏。彥彬座語。翼道困銘。
平公墨墨。仁宗惺惺。魏侯冒雨。漢帝渡冰。
弭盜公亮。縱囚元膺。撤關胡厲。閉門汜騰。

分痛灼艾。療疾覓藤。碎碑陳敏。奪劍張陵。
翁巧擲劍。囚工躡繩。安石鬚蝨。平叔鼻蠅。
大器蘇軾。偉度王曾。改姓陶穀。諱名田登。
宋陷仁肇。漢閒范增。獻章主靜。良佐去矜。
指口謝朓。招鼻王澄。虞擬裴度。晟慕魏徵。
讓韓獨步。放蘇出頭。對銘希鏡。釋碑延休。

宋人投馬。張氏祝鳩。晏幽颺躁。穀食難收。
仁貴虢將。仲康虎侯。張守撻虎。顧令判牛。
反贈熙載。辭餉穆修。媚臣譽樹。姦相斫榴。
高祖蛛廟。武王蜂舟。明皇還帶。武帝焚裘。
李祐膽落。趙機汗流。痛妃簞策。悼夫箜篌。
子厚僦舍。邦昌登樓。引經斷獄。奕棋判囚。